

1. Basadi ba ne ba bolola boja le bone. E ne e re ha ba bolola go rongoe mosadi koa kgosing. E ne e re ha a tsena mo motsing a tle a ntaea moropa, golo go itsioe gore bojale boa bolola. E re ha a tsena a re ka la bone ke maralalô, ka labotlhano ke madiba (ke motlhang go tshimololoang bojale), ka moqebelo (Saturday) ke mapomelo. Go g no go logoa dithapo gotoe ke dikgolokoane. Ba ne ba di apara mme di khurumetsa mmele otlhe oa ngoanyana. Ba ne ba tlotsioa ka mosidi o montsho, ba shogetsoe matlalo a dikgomo ba apesitsoe ka one gotoe ke Setea leina la kobo eeo. Gape ba ne ba diretsoe mesêmê, ba apesioe matlho ka eone gore a seka a bonala. Ba ne ba hetsa kgoedi hela ba be ba tlhatsoia mosidi oo, go lo go twe baa tlabara: Ke go re ba tlhatsoia bontsho ba tlotsioa ka mbu o mo sheeu. Morago ga m moo go hôrôloa, meriri ea bone ka sebilo, 'mele oa bone o tlotsoe ka letsoku. Mesese ea bone e ne e le matlalo a dikgomo aa ngoatseng. Kaha ntle a akgega matsoisa a ma telele a tlotsitsoe letsoku. E tla re ha kgoedi e hedile: Bosigo go besioe molelo e mogolo, jaaneng go letoa thôjane. Go tlaa laloe go m opeloa.

Pina eeo ea re:- E otle mankgôrê-kgoane,
Ba bangoe ba re e otle e
Kgoaba, borare ba ea go nyatsa,
Ha e ea go tlhajoa.

Ha mahube a tsoa ba bine gape ba re:-

A re tlere magonanyana a bo tlou mogone,
Mahibidu magonanyana a bo tlou.

2. Jaanong ha bosigo boo sa ba ea go bulêla dikgomo koa sakeng 'me bojale bo bo ea go robala ko tlung, go sale makau ka ha ntle ba bina setapa. Ka mosho ba ba tsoga ba tsamaea ba le lothetho, 'me go tle makau a a tileng go sheba makgarebe a a tsoang go bolola. Ke gone e tlaa reng ha lekau lengoe le rata kgarebe nngoe ea makgarebe a, le latlhele segaga mo thamung ea gagoe. E ne e re ha kgarebe e mo rata e se tlogele hela e se ke e se ntshe, 'me ha e sa mo rate e se latlhele ha hatshe. Ke gone e ne e re ha kgarebe e mo ratile batho ba re: "moroadia semeng-meng o mo ntle, o roele bomena, erile ha a tsoa. A tlhola baroetsana bao botlhe a ba a tsoe: selaeng, jaanong o tlaa mo nyala. ENDS